

43 Gents d'alentour de Tarn, Loth, & Garõne,
Gardés les monts Apennines passer,
Vostre tombeau pres de Rome & d'Ancône
Le noir poil cresp fera trophée dresser.

44 Quand l'animal à l'homme domestique
Après grãds peines & faults viendra parler:
Le foudre à vierge fera si maleficque,
De terre prinse, & suspendue en l'air.

45 Les cinq estranges entrés dedans le temple,
Leur sang viendra la terre prophaner:
Aux Thoulousains sera bien dur exemple
D'un qui viendra ses loys exterminer.

46 Le ciel (de Plancus la cité) nous presaigne
Par clairs insignes & par estoiles fixes,
Que de son change subit s'aproche l'aage,
Ne pour son bien, ne pour ses malefices.

47 Le vieux monarque deschassé de son regne
Aux Orientz son secours ira querre:
Pour peur des croix pliera son enseigne:
En Mitilene ira pour port et terre.

Sept